

## Hämmweji nooch Ouwesinn

In Ouwesinn dou sann iich gebuenn,  
in Ouwesinn, duedd on de Rhüe.  
Iich huenn mai Hatz on Díich veluenn,  
Du bissd mai Duerf, sou aald, sou schüe.

Sann iich emoa waid fuedd voo dehámm,  
kömmd mer mai Duerf als in de Sinn.  
Iich könnd mai Zäich glaich zammerämm,  
laff borwess hämm nooch Ouwesinn.

In Ouwesinn dou sann iich gebuenn,  
dii Schuelgass huenn iich nouch im Sinn.  
Mai Moudderschbrooch huenn iich nijed veluenn,  
wail dou schdeggd ganz vil HEIMAT dinn.

Wann iich als on dehámm muess denk,  
sijenn iich de Kirchdurm für mer schdijenn,  
dann möügd iich glaich zum Sinngrund schwenk,  
laff borwess hämm nooch Ouwesinn

Unn höld de Herrgodd mich nooch douwe,  
naam iich hald Obschiid voo de Rhüe,  
iich schejigg Äüch zu en Gruess voo ouwe,  
machds qued Iir Läiid – unn Dankeschüe.

Wann iich als on dehámm muess denk,  
sijenn iich Jakobus für mer schdijenn,  
dann möügd iich glaich zur Rhüe geschwenk,  
laff borwess hämm nooch Ouwesinn

dann möügd iich glaich zur Rhüe geschwenk,  
laff borwess hämm nooch Ouwesinn

